

दिनांक 09.11.2024

समय: 18.45 बजे

- प्रदेश की सात विधानसभा सीटों में माथे उपचुनाव सारू सगळी पार्टियां प्रचार में पूरी ताकत झोंकी-प्रचार रा दो दिन बच्चा।
- उपराष्ट्रपति जगदीप धनखड़ तालीम सारू निवेश ने समाज सेवा रो सब ऊं असरदार तरीको बतायो।
- विधिक सेवा दिवस रे मौके प्रदेशभर में जागरूकता कार्यक्रम राखी ज्यो।
- नामी पुष्कर पशु मेले आज रीत मुजब सुरू व्हयो।

000

प्रदेश की सात विधानसभा सीटों में माथे उपचुनाव सारू सगळी पार्टियां अर उम्मीदवार प्रचार में पूरा जोर लगा रह्यो है। मुख्यमंत्री भजनलाल शर्मा आज झुंझुनू अर खींवसर में भाजपा रा उम्मीदवारों की हिमायत में जनसभाओं में संबोधित कीनी। खींवसर की जनसभा में वे कह्यो के प्रदेश में भाजपा रा मौजूदा राज में जो वायदा करी ज्यो है, वों में माथे तेजी ऊं काम कर्यो जा रह्यो है। मुख्यमंत्री कह्यो के पेपरलीक रे जरिये नौजवानों की जिन्दगी सागे खिलवाड़ करण वालों रे खिलाफ लगातार कार्रवाई करी जा रही है। मुख्यमंत्री कह्यो के लारला ग्यारह महीनों में व्हो सगळा इम्तेहान पूरी साफ गोई सागे करायी ज्यो। उप मुख्यमंत्री दिया कुमारी आज सलूबर में भाजपा रा उम्मीदवार रा समर्थन में जनसभा ने संबोधित कीनी अर रोड़ शो कीनी। भाजपा रा आला नेता डॉ. सतीश पूनिया देवली-उनियारा में पार्टी रा उम्मीदवार रा समर्थन में न्यारी-न्यारी ठौड़ों सभाओं कीनी। दूजी कानी कांग्रेस रा प्रदेश अध्यक्ष गोविंद सिंह डोटासरा खींवसर में पार्टी रा प्रत्याशी रा समर्थन में रैली ने संबोधित करता थका राज्य की भाजपा सरकार माथे लारली कांग्रेस सरकार की बगत सुरू करी ज्यो केई चोखी योजनाओं बंद करण रो आरोप माण्ड्यो। विधानसभा में विपक्ष रा नेता टीकाराम जूली रामगढ़ में कांग्रेस रा उम्मीदवार रा समर्थन में के ठौड़ों जनसंपर्क कीनी। राष्ट्रीय लोकतांत्रिक पार्टी रा संयोजक हनुमान बेनीवाल ई आज खींवसर में केई गांवों रो दौरा कर र पार्टी रा उम्मीदवार रा समर्थन में नुक्कड़ सभाओं ने संबोधित कीनी।

000

निर्वाचन विभाग विधानसभा उपचुनाव रे दौरान वेबकास्ट करवरेज रो दायरो और बधा दीनी है। अब वोट देवण रा कमरा रा बाहर ऊं ई लाइव कवरेज करी जावेला। मुख्य निर्वाचन अधिकारी नवीन महाजन आ जाणकारी दीनी। वे बतायो के मतदान केंद्रों में और कैमरा लगाया जावेला अर लाइव स्ट्रीमिंग की निगरानी खास पार्टी की ओर ऊं करी जावेला। ई सागे ई मतदान प्रक्रिया ने इको-फ्रेंडली बनावण सारू ई कार्ययोजना तैयार करी ज्यो है।

000

बाड़मेर जिला में आज मतदाता सूचियों रा विशेष संक्षिप्त पुनरीक्षण कार्यक्रम रा तहत वार्ड अर ग्राम सभाओं राखी ज्यो। ई दौरान जिला अर ब्लॉक स्तर रा अहलकार वोट देवण वालों ने चुनाव प्रक्रिया रा न्यारा-न्यारा पहलुओं की जाणकारी दीरीजी अर वोट देवण रा पात्र लोगों ऊं मौके ई अर्जियों कीरीजी। ग्राम सभाओं में वोटर हैल्पलाइन, चुनावी पाठशाला, मतदाता सेवा पोर्टल, 85 साल या बत्ती उम्र वालों अर विशेष योग्यजन सारू घर ऊं वोट देवण रा सुबीता रा बारा में जाणकारी दीरीजी।

000

उपराष्ट्रपति जगदीप धनखड़ कह्यो है के तालीम मांय निवेश समाज री सेवा करण रो सब ऊं असरदार तरीको है। वे कह्यो के इण ऊं मानव संसाधन समृद्ध व्हेवण सागे म्हाणा वर्तमान अर भविष्य सुरक्षित रहवे है। उपराष्ट्रपति आज नई दिल्ली मांय राष्ट्रीय प्रौद्योगिकी संस्थान रा दीक्षांत समारोह मांय कह्यो के शिक्षा देश री समृद्ध अर सदियां जूनी विरासत ने ओजू खोजबा री ताकत देवे है। वे ई बात माथे ज़ोर दीनो के शिक्षा ने कदे ई कारोबार रा रूप मांय नी देखणी चाहिजे। उपराष्ट्रपति कह्यो के मौजूदा पीढ़ी बिना किसी पारिवारिक पृष्ठभूमि रे उद्योगां मांय नुवी ऊंचाइयां हासिल कीनी है। ई मौके उपराष्ट्रपति संस्थान रा होशियार विद्यार्थियां ने ईनाम ई दीना।

000

जयपुर मांय दिसम्बर मांय व्हेवण वाळां राइजिंग राजस्थान ग्लोबल इन्वेस्टमेंट समिट री तैयारियां रो आज मुख्य सचिव सुधांशु पत जायजो लीनो। वे अहलकारां सागे सुरक्षा व्यवस्थावां री ई जाणकारी लीनी। मुख्य सचिव गोल्फ कार्ट ऊं आयोजन स्थल रो निरीक्षण कीनो अर साफ-सफाई, अस्थायी ढांचा अर स्टॉल्स रा प्रबंधन रा निर्देश दीना। ई दौरान अतिरिक्त मुख्य सचिव आनंद कुमार, प्रमुख सचिव अजिताभ शर्मा अर पुलिस महानिदेशक यूआर साहू ई मौजूद रह्या।

000

राज्यपाल हरिभाऊ बागडे गोपाष्टमी रे मौके गौ माता री पूजा अर सेवा रो आह्वान कीनो है। वे जयपुर री पिंजरापोल गौशाला मांय गोपाष्टमी रा कार्यक्रम मांय कह्यो के गाय भारतीय संस्कृति मांय खास है अर गौ उत्पादां सारू असरदार वातावरण बणावण री जरूरत है। राज्यपाल कह्यो के गाय म्हाणी जिन्दगी रा पोषण अर माली व्यवस्था रो आधार है। वे भगवान श्रीकृष्ण ऊं पर्यावरण संरक्षण री सीख लेवण अर प्रकृति पूजन ने दिनचर्या बणावण रो आह्वान कीनो। राज्यपाल गौ-उत्पादां रा महत्त्व माथे ज़ोर दीनो अर देशी गाय ने बचावण री जरूरत बतायी। ई मौके शिक्षा मंत्री मदन दिलावर ई मौजूद रह्या। राज्यपाल गौशाला मांय गौमाता री पूजा कीनी।

000

विधिक सेवा दिवस रे मौके प्रदेश मांय न्यारा-न्यारा कार्यक्रम राखी ज्या। जयपुर मांय ई रा तैत सड़क सुरक्षा जागरूकता सारू नुक्कड़ नाटक खेली ज्यो। ई दौरान यातायात नियमां री जाणकारी दीरीजी। विधिक सेवा प्राधिकरण रा सदस्य सचिव हरिओम शर्मा अत्री बतायो के विधिक सेवा दिवस रे मौके हर साल रचनात्मक कार्यक्रम राख्या जावे है। ई दफा देशभर मांय दिव्यांगजन सारू खेलकूद री होड़ां राखी जा रही है। पाली मांय जिला कारागार मांय विधिक जागरूकता शिविर लगायी ज्यो, जठे कैदियां ने कानूनी अधिकारां री जाणकारी दीरीजी। भरतपुर मांय विधिक सेवा दिवस रे मौके जागरूकता रैली निकाळी ज्यी। ई रे मार्फत बाल-विवाह रा गलत असर रा बारा मांय जाणकारी दीरीजी। ई रे अलावा भरतपुर री जेळ मांय बंदियां ने कानूनी सहायता अर वां रा कानूनी अधिकारां रा बारा मांय जागरूक करी ज्या। सवाईमाधोपुर मांय ई जागरूकता कार्यक्रम राखी ज्यो।

000

प्रदेश मांय दीवाळी पाछे सरकारी मोल माथे मूंग री खरीदी री प्रक्रिया मांय तेजी आई है। ई रा तहत हाल ताई 659 किसानां ने 11 हजार विंटल ऊं बत्तो मूंग बेच र 9 करोड़ 66 लाख रुपया रो चुकारो करी ज्यो है। राजफैड रा महाप्रबंधक हरीसिंह आ जाणकारी दीनी। वे बतायो के श्रीगंगानगर, हनुमानगढ़ अर अनूपगढ़ जिलां मांय मूंग री खरीदी सारू 50 केंद्र बणायी ज्या है। हाल ताई 34 केंद्रां माथे खरीदी करी जा रही है। आं तीन ई जिलां मांय मूंग री बिक्री बाबत् 12 हजार 712 किसान नाम मण्डाया है। सरकार मूंग रो सरकारी मोल 8 हजार 682 रुपया प्रति विंटल अर मूंगफली रो 6 हजार 783 रुपया प्रति विंटल तैय कीनो है।

000

नामी पुष्कर मेळो आज सरू व्हयो। राज्य रा जल संसाधन मंत्री सुरेश रावत वैदिक मंत्रोच्चार बीचे झंडो चढा र मेळा री सरूआत कीनी। मेळा मांय न्यारा—न्यारा सांस्कृति कार्यक्रम, खेलकूद अर दूजी होडां राखी जावेला। ई दौरान सैण्ड अर आर्ट अर कल्चरल कैमल मार्च खास आकर्षण रा केन्द्र रहवेला। मेळा मांय देशी—परदेसी सैलाणियां री भागीदारी ई व्हेला। पशुपालन विभाग रा संयुक्त निदेशक सुनील घीया बतायो के पुष्कर पशु मेळा मांय 5 हजार ऊं बत्ता ढांढा लाया जा चुक्या है।

000

दीवाळी पाछे जैसलमेर अर माउंट आबू मांय पर्यटन सीजन सरू व्हे ग्यो है। दोन्यू ठौडां मोटी तादाद मांय सैलानी पूग रह्या है। जैसलमेर रा सोनार किला, गडीसर तळाव, पटवां री हवेली अर तनोट माता रा मंदिर मांय मोटी तादाद मांय सैलाणी पूग रह्या है। रेत रा समंदर मांय ऊंटां अर जीप री सवारी रो ई सैलाणी खूब मजो ले रह्या है। माउंट आबू मांय हल्की ठण्ड बीचे गुजरात अर महाराष्ट्र समेत देश रा न्यारा—न्यारा हलकां ऊं मोटी तादाद मांय सैलाणी मौसम रो आनंद ले रह्या है। वठे दीवाळी ऊं हाल ताई 80 हजार ऊं बत्ता सैलाणी आवण ऊं नगरपालिका ने पर्यटक कर ऊं 30 लाख रुप्या ऊं बत्ती आमदनी व्ही है अर कारोबारियां रा चेहरा ई मुळक रह्या है।

000

केन्द्र सरकार हज रा सफ़र ने आसाण बणावण सारू डिजिटल बुनियादी ढांचा मांय सुधार सारू केई जतन कीना है। आं रे मार्फत महिलावां री बराबरी ने बधावो दियो ज्यो है, जिण ऊं बत्ती महिलावां स्वतंत्र रूप ऊं हज सारू जा सके है। महिलावां सारू हज यात्री सहायता कार्यक्रम सरू करी ज्यो है।

000

उत्तर पश्चिम रेलवे सिंयाळा मांय हिफाजत सागे रेलों चलावण बाबत् खास अभियान चला रही है। मुख्य जनसंपर्क अधिकारी कैप्टन शशि किरण बतायो के रेल चलावण वाळां ने हाल ताई 875 फॉग सेफ्टी डिवाइस दे दिया ज्यो है। ई सागे ई लोको पायलटां ने कोहरा री बगत गाड़ी 60 ऊं 75 किलोमीटर प्रति घंटा रफ़तार ऊं चलावण रा हुकम दिया ज्यो है। ई रे अलावा धुंअर री बगत दूर ताई निजर नी आवण रे कारण लोको पायलटां ने विजिबिलिटी टेस्ट ऑब्जेक्ट वीटीओ काम लेवण बाबत् कही ज्यो है।

000

पूर्व मध्य रेलवे छठ पूजा कर र बिहार ऊं पाछा आवण वाळां सारू काल ऊं आवता पन्द्रह दिन रे दौरान 446 खास रेलगाडियां चलावेला। आकाशवाणी सागे बातचीत मांय रेलवे रा मुख्य जनसम्पर्क अधिकारी सरस्वती चन्द्र बतायो के ई साल लारला साल री तुलना मांय 70 ऊं बत्ती अतिरिक्त गाडियां चलाई जा रही है।

000

जैसलमेर जिला मांय प्रधानमंत्री सूर्य घर मुफ्त बिजली योजना रा तहत नाम मण्डावण अर सूरज री रोशनी ऊं बिजली बणावण री मशीनां लगावण रो काम सरू कर दियो ज्यो है। जोधपुर डिस्कॉम रा अधीक्षण अभियंता यू.आर. गोदारा बतायो के अहलकारां ने योजना रो प्रचार—प्रसार करण अर ग्राहकां मांय जाग जगावण रा हुकम दिया ज्यो है। इण रो मकसद बिजली रा बत्ता ऊं बत्ता ग्राहकां ने योजना रो फायदो पूगावणो है।

000